

ԿԱՐԳ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌՈՒ ՄԱՐԶԻ ԹՈՒՄԱՆՅԱՆ ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԻ, ԿԱՄԱՎՈՐ ԽՆԴԻՐՆԵՐԻՆ ՈՒՂՂՎԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԻ ԵՎ ԴՐԱՆՑ ԻՐԱԿԱՆԱՑՄԱՆ

1. Սույն կարգով կարգավորվում են Հայաստանի Հանրապետության Լոռու մարզի Թումանյան համայնքի (այսուհետև՝ համայնքի) կամավոր խնդիրների և դրանց լուծման նպատակով համայնքի տեղական ինքնակառավարման մարմինների սեփական լիազորությունների և իրականացման հետ կապված հարաբերությունները:
2. Համայնքի կամավոր խնդիրներն են՝
 - 1) Համայնքի սոցիալապես անապահով բնակչության սոցիալական օգնության տրամադրման կազմակերպումը.
 - 2) համայնքում ֆիզիկական կուլտուրայի և սպորտի զարգացման, մշակութային կյանքի խթանումը.
 - 3) բարձրագույն և (կամ) միջնակարգ մասնագիտական ուսումնական հաստատություններում սովորող համայնքի սոցիալապես անապահով ընտանիքների ուսանողների ուսման վարձի մասնակի կամ ամբողջական հատկացումը,
 - 4) համայնքի հանրակրթական դպրոցների գործունեության աջակցումը.
 - 5) զոհված զինծառայողների, զինծառայողների, պատերազմի վետերանների, հաշմանդամների, կերակրողին կորցրած ընտանիքների, միայնակ թոշակառուների և այլ խմբերի սոցիալական պայմանների բարելավման աջակցումը:
3. Համայնքի կամավոր խնդիրների լուծման նպատակով համայնքի տեղական ինքնակառավարման մարմինները իրականացնում են հետևյալ սեփական լիազորությունները՝
 - 1) Աջակցություն են ցուցաբերում համայնքի սոցիալապես անապահով ընտանիքներին.
 - 2) աջակցություն են ցուցաբերում համայնքի մշակութային հաստատություններին՝ մշակութային, ինչպես նաև պետական, ազգային ու այլ տոների հետ կապված զանգվածային միջոցառումներին մասնակցելու իրականացմանը.
 - 3) միջոցներ են ձեռնարկում զոհված զինծառայողների, զինծառայողների, պատերազմի վետերանների, հաշմանդամների, կերակրողին կորցրած ընտանիքների, սոցիալապես անապահով այլ խավերի սոցիալական պայմանների բարելավման ուղղությամբ.
 - 4) աջակցություն են ցուցաբերում համայնքի մարզիկներին և մարզական թիմերին՝ ներհամայնքային մարզական միջոցառումների կազմակերպմանը, ինչպես նաև մշակութային հաստատություններին՝ մշակութային, ինչպես նաև միջհամայնքային մարզային, հանրապետական և միջազգային մրցաշարերին նրանց մասնակցության ուղղությամբ.
 - 5) աջակցություն են ցուցաբերում բարձրագույն և (կամ) միջնակարգ մասնագիտական ուսումնական հաստատություններում սովորող համայնքի սոցիալապես անապահով ընտանիքների ուսանողների ուսման վարձի վճարման կազմակերպմանը.

- 6) նպաստում են համայնքի հանրակրթական դպրոցների գործունեության կազմակերպմանը.
- 7) իրականացնում են նաև սույն կետում չնշված այլ լիազորություններ:
4. Համայնքի կամավոր խնդիրների և դրանց լուծման համար սեփական լիազորությունների իրականացման համար համայնքի բյուջեով նախատեսված ֆինանսական միջոցները չեն կարող գերազանցել համայնքի ընթացիկ տարվա բյուջեով նախատեսված սեփական եկամուտների **5%-ը**:
5. Կամավոր խնդիրների լուծման համար ֆինանսական միջոցների հատկացումը իրականացնում է համայնքի ղեկավարը՝ համայնքի բյուջեով նախատեսված ֆինանսական հատկացումներին համապատասխան, ինքնուրույն և սեփական պատասխանատվությամբ:
6. Կամավոր խնդիրների լուծման իրականացման առաջարկություն կարող են նախաձեռնել համայնքի ղեկավարը, համայնքի ավագանու անդամները, բնակիչները, հասարակական կազմակերպությունները և միավորումները:
7. Այն դեպքում, երբ կամավոր խնդրի լուծման իրականացումը նախաձեռնում են բնակիչները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտները, ապա վերջիններիս կողմից լիազորված ներկայացուցիչը (այսուհետ՝ նախաձեռնող) համայնքի ղեկավարին է ներկայացնում կամավոր խնդրի լուծման իրականացման վերաբերյալ դիմում՝ նշելով դրա նպատակը և անհրաժեշտության հիմնավորումը, խնդրի կարգավորման համար անհրաժեշտ ֆինանսական միջոցի չափը և այլն: Համայնքի ղեկավարը դիմումը և անհրաժեշտության փաստաթղթերն ստանալուց հետո՝
- 1) Կամավոր խնդրի լուծման իրականացմանը համաձայնվելու դեպքում՝ մեկամսյա ժամկետում այդ մասին տեղյակ է պահում նախաձեռնող կողմին և կամավոր խնդրի իրականացման վերաբերյալ համայնքի ավագանու որոշման նախագիծ է ներկայացնում ավագանու քննարկմանը.
- 2) կամավոր խնդրի լուծման իրականացմանը չհամաձայնելու դեպքում նախաձեռնողին՝ գրավոր տեղեկացնում է այդ մասին՝ նշելով չհամաձայնելու պատճառները:
8. Համայնքի ավագանին սույն կարգի 7-րդ կետով սահմանված դեպքերում քննարկում է կամավոր խնդրի լուծման հարցը, համայնքի ավագանու կամ համայնքի ղեկավարի կողմից ստեղծված հանձնաժողովի եզրակացության /առկայության դեպքում/ ընդունում է որոշում՝ կամավոր խնդրի լուծման իրականացման համաձայնություն տալու կամ մերժելու վերաբերյալ:
9. Համայնքի ղեկավարը գոհված զինձառայողների, զինձառայողների սոցիալական պաշտպանվածության բարելավման, պատերազմի վետերանների սոցիալական խնդիրների լուծման, հաշմանդամների, կերակրողին կորցրած ընտանիքների, սոցիալապես անապահով այլ խավերի սոցիալական պայմանների բարելավման վերաբերյալ դիմումները քննարկելու նպատակով՝ իր որոշմամբ, հասարակական հիմունքներով, կազմում է մշտական գործող հանձնաժողով, որի կազմում ընդգրկվում են՝ համայնքի ավագանու անդամներ, հասարակական կազմակերպությունների և միավորումների ներկայացուցիչներ, աշխատակազմի և համայնքային կազմակերպությունների մասնագետներ, ինչպես նաև համայնքի բնակիչներ և այլ շահագրգիռ անձինք, եթե նրանք այդ մասին նախապես տվել են իրենց համաձայնությունը:

10. Համայնքում սոցիալապես անապահով ծայրահեղ աղքատ բնակչի հուղարկավորության կազմակերպման համար օգնության տրամադրման համար համայնքի ղեկավարը կարող է իր որոշմամբ նրա ընտանիքին հատկացնում է մինչև 50 000 ՀՀ դրամ սոցիալական օգնություն և այդ մասին հաղորդում է ներկայացնում ավագանու առաջիկա նիստում, որը ավագանու կողմից ընդունվում է որպես ի գիտություն:
11. Համայնքում ծննդաբերությունը խրախուսելու նպատակով յուրաքանչյուր նորածին երեխայի համայնքում հաշվառված ծնողին կամ ծնողներին համայնքի ղեկավարը կարող է իր որոշմամբ տրամադրել 20 000 ՀՀ դրամ միանվագ օգնություն և այդ մասին հաղորդում է ներկայացնում ավագանու առաջիկա նիստում, որը ավագանու կողմից ընդունվում է որպես ի գիտություն:
12. Համայնքի այլ կամավոր խնդիրների լուծման իրականացման համար համայնքի ղեկավարը կարող է կազմել մշտական կամ ժամանակավոր հանձնաժողովներ:
13. Սոցիալական օգնության տրամադրման վերաբերյալ կամավոր խնդիրների լուծման չափորոշիչներից է սոցիալապես անապահով ընտանիք հանդիսանալու վերաբերյալ սոցիալական օգնության տրամադրման գործող հանձնաժողովի /առկայության դեպքում/ դրական եզրակացությունը, ինչպես նաև կարող են համայնքի ավագանու կողմից սահմանվել նաև այլ չափորոշիչներ:
14. Սոցիալապես անապահով ընտանիքներին հատկացվող մեկանգամյա սոցիալական օգնության առավելագույն չափը սահմանվում է մինչև 10 000 ՀՀ դրամ: Նույն ընտանիքին տարվա ընթացքում սոցիալական օգնության կարող է հատկացվել առավելագույնը 1 անգամ, որի չափը չի կարող գերազանցել սոցիալական օգնության առավելագույն չափի 1,5 պատիկի չափը:
15. Սոցիալապես անապահով ընտանիքների բարձր առաջադիմությամբ ուսանողներին ուսման վարձի լրիվ կամ մասնակի հատկացումը կարող է իրականացվել միայն պետական բարձրագույն և (կամ) միջնակարգ մասնագիտական ուսումնական հաստատություններում սովորելու դեպքում:
16. Համայնքում հանրակրթական դպրոցների գործունեության աջակցման շրջանակներում.
- 1) Առարկայական օլիմպիադաների մրցանակակիր համայնքի աշակերտների համար սահմանել.
- ա. միջազգային փուլ՝ 80 000 ՀՀ դրամ,
- բ. հանրապետական փուլ՝ 50 000 ՀՀ դրամ,
- գ. մարզային փուլ՝ 20 000 ՀՀ դրամ,
17. Համայնքում ֆիզիկական կուլտուրայի և սպորտի զարգացման, մշակութային կյանքի խթանման շրջանակներում.
- 1) Օլիմպիական մրցաշարերում բարձր ցուցանիշներ ապահոված համայնքի մարզիկների համար սահմանել.
- ա.1-ին տեղ՝ 1 500 000 ՀՀ դրամ,
- բ.2-րդ տեղ՝ 800 000 ՀՀ դրամ,
- գ.3-րդ տեղ՝ 400 000 ՀՀ դրամ,
- 2) Աշխարհի և Եվրոպայի առաջնություններում բարձր ցուցանիշներ ապահոված համայնքի մարզիկների համար սահմանել.
- ա.1-ին տեղ՝ 400 000 ՀՀ դրամ,
- բ.2-րդ տեղ՝ 200 000 ՀՀ դրամ,

գ.3-րդ տեղ ' 100 000 ՀՀ դրամ,

3) Հանրապետական մրցաշարերում բարձր ցուցանիշներ ապահոված համայնքի մարզիկների համար սահմանել.

ա.1-ին տեղի ' 80 000 ՀՀ դրամ,

բ.2-րդ տեղի ' 50 000 ՀՀ դրամ,

գ.3-րդ տեղի ' 20 000 ՀՀ դրամ,

18. Սույն կարգով սահմանված կամավոր խնդիրները սպառիչ չեն և համայնքի ավագանու կողմից կարող են սահմանվել նաև այլ խնդիրներ:

ՀԱՄԱՅՆՔԻ ՂԵԿԱՎԱՐ՝



ՍՈՒՐԵՆ ԹՈՒՄԱՆՅԱՆ